

Suliap qiterpaarnerani nalunaarusiaq

1960-imiit 1991-i ilanngullugu Kalaallit Nunaanni kiisalu Danmarkimi
efterskolini kalaallinik ilinniartulinni naartunaveersaatinut tunngatillugu
suleriaatsit atorneqarsimasut pillugit suliamut attuumassuteqanngitsunit
qulaajaaneq



Tenna Jensen

Ingelise Olesen

Janne Rothmar Herrmann

Mette Fransiska M. Seidelin

Kirsten Nystrup

Maja Cecilie Koch Christiansen

Bonnie Jensen

Gitte Adler Reimer

Ellen Bang Bourup

Siulequt

Suliamut attuumassuteqanngitsunit qulaajaaneq kalaallit danskillu naalakkersuisuisa isumaqatigiissuteqarnerat tunngavigalugu aallartinneqarpoq. Suliaq inuiaqatigiinnut pingaarutilerujussuuvoq, aamma uagut suliffeqartut qulaajaanermik suliaqarnerput tullusimaarutigivarput. Ilisimatusartoqatigiit sulinertik 2023-mi juunimi aallartippaat, suliallu qiterpaarnerani nalunaarusiapi matuma nalunaarpaa qulaajaaneq ukioq ataaseq ingerlareersimalersoq, aammalu ukiumut tulliuttumut kingullermullu maanna appakaattoq.

Ilisimatusaatigalugu sulineq pingarnernik pingasunik immikkoortoqarpoq; katersuineq, misissueqqissaarneq aamma ingerlatitseqqinnej. Ilisimatusartoqatigiit nalunaarusiapi uuma saqqummiunneqarnerani suli katersuinermiipput, oqaluttuanik aamma allagaatinik katersuineq suli ingerlanneqarmat. Massakkumut misissueqqissaarneq aallartinneqarpoq, kisiannili naammassineqarnissaa suli ungasilluni. Taamaattumik suliapi qiterpaarnerani nalunaarusiaq una ilisimatusartoqatigiit qanoq sulisimanerannik, suliapi massakkut sumut killinneranik, aamma piffissami aggersumi qitiutillugit suliassat suunerannik killiffimmik takutitsiffiuvoq.

28. juuni 2024

Gitte Adler Reimer
Rektoriugallartoq
Ilisimatusarfik

Morten Hulvej Rod
Direktøri
Statens Institut for Folkesundhed
Syddansk Universitet

Qujanaq

Siullertut arnat oqaluttuartut qutsavigerusuppavut.

Tulliatut KNR, Tusass aamma Kalaallit Illuutaat qutsavigerusuppavut, misissuinermut atatillugu tunniusimalluarlutik, qanilaarlutik aamma ikiuillutik pinerat pillugu. Aamma Nunatta Allagaateqarfia, Rigsarkivi aamma naalagaaffimmi oqartussat qutsavigaavut, allagaatinik aamma upternarsaatinik takunninnissatsinnut immikkut ittumik ikuuussimanerat pissutigalugu.

Aamma suliassaqarfimmi sulialinnut, oqaluttuaminnik uagutsinnut tunniussinissaminnik toqqaasimasunut, qujarusuppugut.

Imarisaanut nalunaarsuut

Suliassap nassuiardeqarnera	1
Tunuliaqutaq	2
Siulequtsiussaq	2
Periuseq	3
Ilisimannittutut oqaluttuarineqartut	4
Ilisimannittutut oqaluttuarineqartunut nalunaarsuut	4
Ilisimannittutut oqaluttuartut sumiinnerisa siammasissusiannut nalunaarsuut	5
Innuttaasunik ataatsimiisitsinerit aamma paasissutissiinernut aqqutigineqartut	5
Ilisimannittutut oqaluttuanik tunniussinissamik periarfissat	7
Ilisimannittutut oqaluttuarineqartut, oqarasuaatikkut	7
Ilisimannittutut oqaluttuarineqartut, naapinnikkut	7
Ilisimannittutut oqaluttuarineqartut, allakkatigut	9
Ilisimannittutut oqaluttuarnermut atatillugu piareersimasoqarneq	9
Oqaatsitigut aamma allakkatigut oqaluttuarineqartunik suliarinninneq	9
Pisimasoq pillugu allagaatit aamma inatsisit	10
Pisimasoq pillugu allagaatit aamma inatsisinik suliarinninneq	12
Massakkut unammilligassat	13
Najoqputat	15

Suliassap nassuiarneqarnera

Danskit naalakkersuisui aamma Naalakkersuisut aalajangerput "spiralilersuisimaneq" aamma 1960-imiit 1991-i ilanngullugu Kalaallit Nunaanni kiisalu Danmarkimi efterskoleni, kalaallinnik ilinniartulinni, naartunaveersaatinut tunngatillugu suleriaatsit atorneqarsimasut pillugit suliamut attuumassuteqanngitsunit qulaajaaneq suliarineqassasod.

Sundhedsministeri aamma Peqqissutsimut Naalakkersuisoq peqatigiillutik suliassap nassuaataanik suliaqarput, suliamut attuumassuteqanngitsunit qulaajaanissamut tunngaviliisuusumik.

Suliamut attuumassuteqanngitsunit qulaajaaneq makkuninnga qulaajaaffiussaaq: ¹

- Naartulernissamik pitsaaliuinermik suleriaatsip Kalaallit Nunaanni 1960-ikkunni aallartinneqartup oqaluttuassartaa, tassunga ilanngullugu "Spiralilersuisimaneq".
- Spiralit atorneqalernissaannik aamma naartulernissap pitsaaliornissaanut suleriaatsit allat eqquunneqarnerannik kingunilimmik aalajangiinerup ingerlasimanera, tassunga ilanngullugit suliap aallartinneqarsimaneranut, ingerlateqqinneqarneranut aamma naleqqussarneqarneranut suut tunngaviusimanersut. Qulaajaaneq pisortaqaqrfinnit, suliffeqarfinnit aamma pisortani sulisunit attuumassutilinnit isumaliutinik, aalajangiinernik aamma iliuutsinik ilaqaassaaq.
- Suliap Kalaallit Nunaanni, aamma kalaallinut niviarsiaqqanut Danmarkimi efterskolertunut qanoq ingerlanneqarsimanera. Piffissap ingerlanerani, aamma Kalaallit Nunaanni nunap immikkoortuini peqqinnissaqarfinni kiisalu ukioqatigiaat assigiinngitsut akornanni suliap qanoq atuutilersinneqarsimanera qulaajarniarneqassaaq. Aammattaaq ilisimannittut oqaluttuaat tunngavigalugit suliap qanoq misigineqarsimanera qulaajarniarneqassaaq.
- Piffissami tassani spiralilersuinermut, aamma Kalaallit Nunaanni, kiisalu Danmarkimi efterskolini atuartunut Kalaallit Nunaanneersunut naartulernissamik pitsaaliuinermi suleriaatsinut tunngatillugu inatsisitigut, allaffissornikkut aamma peqqinnissakkut sullissinermi tunngaviit.

¹ Arnat oqaloqatiginerisigut oqaaseq naartulernissamik pitsaaliuineq naartunaveersaatinut tunngatillugu suleriaatsimut allanngortippalput. Oqaaseq naartulernissamik pitsaaliuineq suliassamut nassuaammit toqqaannartumik tigusaavoq, taamaattumillu matuma ilaani atorneqarluni.

Qulaajaaneq Ilisimatusarfimmi Issittumi Atugarissaarneq pillugu Ilisimatusarfimmi aamma Syddansk Universitetimi Statens Institut for Folkesundhedimi Innuttaasut Peqqissusiannik Ilisimatusarfimmi inisisimavog.

Ilisimatusartoqatigiit ilisimatusartunit arlalinnit makkunannaaneersunik inuttaqarpoq:

Kulturimik, Oqaatsinik Oqaluttuarisaanermillu Ilisimatusarfik, Inuaqatigiilerinermik, Aningaasaqarnermik Tusagassiornermillu Ilisimatusarfik kiisalu rektori, Ilisimatusarfik Innuttaasut Peqqissusiannik Ilisimatusarfik, Statens Institut for Folkesundhed, Syddansk Universitet

Det Juridiske Fakultet, Københavns Universitet

Rigsarkivet

Tunuliaqutaq

Arnap 14-inik ukioqarluni akuersisinneqaqqaarnani spiralilerneqarsimanerminik misigisani nutarsiassaqaqtitsivimmi Sermitsiami (Krebs, 2021) 2021-mi ulloq 21. juuni oqaluttuarivaa. Sammisaq pillugu DR-ip podcastiliani 2022-mi ulloq 6. maaji saqqummiuppa, tassani arnat arlallit aamma siusinnerusukkut nakorsatut suliaqarsimasut piffissami tassani misigisatik oqaluttuaralugit (DR, 2022).

Tusagassiuutitigut sammisaqernerup tamatuma kingorna sammineqartoq soqutigineqartorujussuanngorpoq, aammalu suliaq suliamut attuumassuteqanngitsunit qulaajarneqarnissaa Kalaallit Nunaanni Danmarkimilu politikerinit piumasarineqarluni. Arnat arlallit assingusumik misigisaqarsimallutik tamanut ammasumik oqaluttuarput. Meeqyanut, Inuuusuttunut, Illaqutariinnut Peqqissutsimullu Naalakkersuisoq, Mimi Karlsen, 2022-mi ulloq 15. maaji nalunaarpoq, danskit spiralilersuinermerk suliaqarsimanerannut tunngatillugu qulaajaanissaq pillugu ataatsimeeqatigiinnissaq anguniarlugu danskit sundhedsministeriat, Magnus Heunicke, attaveqarfiginiarlugu (Kristensen, 2022). Qulaajaanermik suliassap nassuiarneqarnera suliarineqarpoq, suliarlu 2023-mi ulloq 30. maaji aallartinneqarluni (Naalakkersuisut; Løhde & Karlsen).

Siulequtsiussaq

Ilisimatusartoqatigiit suliassamut nassuaat naapertorlugu sulipput, ilisimatuussutsikkut sulinermi tunngavissaq tassani siunnerfilarneqarluni.

Suliap ingerlanneqarnerata ukiuani maanna siullermiippugut, aammalu pilersaarutit malillugit killiffimmut paasissutissanik katersuinerinnaajunnaarluni misisueqqissaarnermik imaqarnerusussamut ikaarsaariartuaassalluta.

Sulineq manna tikillugu nalunaarusiami nassuiardeqarpoq. Ataatsimut isigalugu periutsit sulinitssinni malitavut, kiisalu sulinerup killiffia tassani nassuiardeqarlutik. Massakkut unammilligassat, nalunaarusiap inaarutaasup naammassineqarnissaanik kinguaattoorutaasussat, nalunaarusiap naggataani nassuiardeqarput.

Periuseq

Ilisimatusarnermi ilisimatusartoqatigiit sulinerat pingarnernut pingasunut agguataardeqarpoq. Katersuinerup ingerlanneqarnerani ilisimannittutut oqaluttuarineqartut, pisimasoq pillugu allagaatit, inatsisit aamma ilisimatusaatigalugu allaaserisat katarsorneqarput. Suliassap nassuiardeqarnerani apeqqutigineqartut akissuteqarfingineqarnissaat siunertaralugu misisueqqissaarnerup ingerlanneqarnerani paasissutissat katarsorneqartut misisoqqissaarneqassapput. Allannertaata suliarineqarnerani nalunaarusiat suliarineqassapput, suliassap nassuiardeqarnerani akissutissanik ilisimatusartoqatigiit suliaqarnerat nalunaarusiarineqassallutik.

Suliap ingerlanneqarneranut piffissamut- aamma suliap ingerlannissaanut pilersaarut, ima isikkulik, malinnejarpoq.

Suliamut attuumassuteqanngitsumik



Ilisimannittutut oqaluttuarineqartut

Arnanit, aamma suliassaqarfimmi sulialinnit ilisimannittutut oqaluttuarineqartunik katersuineq, suliap qanoq misigineqarsimaneranik qulaajaasussaq, 2023-mi oktoberimi aallartinneqarpoq.

Ilisimannittutut oqaluttuarineqartunik tunniussinissamut periarfissat assiginngitsut ilisimatusartoqatigiinnit pilersinneqarput. Naapinnikkut, ilisimatusartumut oqarasuaatikkut, aamma oqarasuaammut nammineerluni akisartumut oqaluttuarineqartunik tunniussinissaq periarfissaapput. Oqaluttuarineqartunik allakkatigut tunniussinissaq aamma periarfissaavoq, nittartagaq pisortatigoortoq Sullissivik aqqutigalugu. Oqaluttuarineqartut nammineq toqqaaneq naapertorlugu kalaallisut danskisulluunniit tunniunneqarsinnaapput.

Ilisimannittutut oqaluttuarineqartunut nalunaarsuut

Ilisimannittutut oqaluttuarineqartunit katersukkat 2024-mi 1. juni katillugit ukuninnga ilaqparyut:

- Arnanit ilisimannittutut oqaluttuarineqartut, oqaatsitigut = 196
- Arnanit ilisimannittutut oqaluttuarineqartut, allakkatigut, Sullissivik aqqutigalugu = 16
- Arnanit ilisimannittutut oqaluttuarineqartut, allakkatigut, Nunatta Nakorsaaneqarfianit ingerlateqqinneqartut = 140
- Suliassaqarfimmi sulialimmit ilisimannittutut oqaluttuarineqartoq, allakkatigut = 1
- Suliassaqarfimmi sulialinnit oqaluttuarineqartut, oqaatsitigut = 6
- Suliassaqarfimmi sulialinnit oqaluttuarineqartut, allakkatigut, Sullissivik aqqutigalugu = 0

Kisitsisit qulaani taaneqartut inaarutaasumik nalunaarusiap saqqummiunneqannginnerani allanguuteqarsinnaapput, ilisimannittutut oqaluttuarineqartunik katersuineq 2024-mi 1. oktobarip tungaanut suli ingerlasussaammat.

Oqaluttuarineqartut arnanit katillugit 352-init, aamma suliassaqarfimmi sulialinnit arfineq-marlunnit pissarsiarivagut. Tamarmik katinneranni oqaluttuarineqartut 359-iullutik. Arnanit oqaluttuaminnik allakkatigut tunniussisunit qulingiluat oqaatsitigut oqaluttuarnissartik aamma toqqarsimavaat, tamatuma itisiliinissamut periarfissiinera pissutigalugu. Taamaalillutik oqaluttuarineqartut inunniit 350-ineersuupput.

Tamatuma saniatigut qulaajaanermut attuumassuteqanngitsumik nammineq ornigulluni, oqarasuaatikkut aamma allakkatigut saaffiginnissutit tiguagut. Saaffiginnissutit assersuutigalugu

tassaasimapput, suleqatigiit eqqartuussivilersuussinissamik suliaqarlutik saqqummiussaqarnikut attaveqarfiginissaannut arnat siunnersorneqarnissamik pisariaqartitsillutik, aamma nammineq jornalerisat pissarsiariniarnerinut ikiorneqarnissamik, imaluunniit 1991-ip kingorna pisimasut pillugit saaffiginnissutit. Saaffiginnissutit taakku misissueqqissaarluni sulinermi ilanngunneqassanngillat.

Ilisimatusartoqatigiit tamatuma saniatigut qanigisaasunit ataasiakkaanit oqaluttuarineqartunik tigusaqarput. Taakkuttaaq misissueqqissaarluni inaarutaasumik suliaqarnermut ilanngunneqassanngillat, isumalluutivut arnanit aamma suliassaqarfimmi sulialinnit oqaluttuarineqartunik suliaqarnermut atornissai sallutikkatsigu.

Ilisimannittutut oqaluttuartut sumiinnerisa siammasissusiannut nalunaarsuut

- Oqaluttuarineqartut nunap immikkoortuini tamani illoqarfinnit aamma sumiiffinnit mikinerusuneersut tiguneqarput, Qeqqata Kommuniani sumiiffiit mikinerusut minillgit. Oqaluttuarineqartut Kalaallit Nunaanni sumiiffinnit mikinerusunit assigiinngitsunit 17-ineersut aamma illoqarfinnit 14-ineersut, kiisalu Danmarkimi illoqarfinnit assigiinngitsunit 25-neersut tiguneqarput.
- Arnat massakkut 50-it 89-illu akornanni ukioqarput. Taakku 1962-ip aamma 1991-ip akornanni pisimasunik oqaluttuarput.
- Arnat amerlasuut ilisimatusartoqatigiinni suliaqartut ilaannut namminneq ilisimannittutut oqaluttuarnissaminnik periarfissaqarsimapput. Amerlanersaasa oqarasuaatikkut taamaaliornissartik toqqarsimavaat. Ilisimannittutut oqaluttuarineqartunit tamanit 71%-ii oqarasuaatikkut oqaluttuarineqarput.

Arnat aamma suliassaqarfimmi suliallit, ilisimannittutut oqaluttuaminik tunniussisut, tamarmik qulaajaanermut peqataanissaminnik akuersipput.

Innuttaasunik ataatsimiisitsinerit aamma paasissutissiinernut aqqutigineqartut

- Qulaajaanerup aallartinnerani innuttaasunik ataatsimiisitsinerit marluk ingerlanneqarput. Nuummi ataaseq, 2023-mi ulloq 7. septembari, aamma Odensemi ataaseq, 2023-mi ulloq 27. septembari ingerlanneqarlutik.

Ataatsimiisitsinerni taakkunani marlunni onlinekkut peqataanissamik periarfissaqarpoq. Ataatsimiisitsinerni taakkunani inuit katillugit 150-it missaanniittut peqataapput.

- Facebookimi quppernermik kiisalu nittartakkamik 2023-mi aggustimi pilersitsisoqarpoq, attaveqarfigineqarsinnaasunut paasissutissat aamma suliassat kalaallisut danskisullu saqqummiunneqarlutik.
- Qulaani pineqartut paasissutissiissutiginiarlugit tusagassiorfinnut nalunaarutit Kalaallit Nunaanni Danmarkimilu tusagassiutinut nassiunneqarput. Taakku KNR-kkut aamma Sermitsiakkut 2023-mi 5. septembari taaneqarput. (Bertelsen & Møller2023; Kristensen, 2023)
- Tamatuma kingorna qulaajaaneq sunik nassataqassanersoq, kiisalu suliarineqartussat il.il. pillugit innuttaasut ingerlaavartumik malinnaasinnaanissaat siunertaralugu ilisimatusartoqatigiit paasissutissiinermut aqqutigisaat pillugit paasissutissanik imalimmik animationsfilmimik suliaqartoqalertorpoq.
- Paasissutissiinermut aqqutigineqartut kiisalu animationsfilmi Facebookimi Kalaallit Nunaanni opslagstavlini 49-ni siammerneqarpoq.
- Animationsfilmi KNR-imi paasisitsiniaanertut marloriarluni aamma takutinneqarpoq – taakku marluullutik pinermi ataatsimi sapaatit akunnerini marlunni ingerlanneqarlutik (decembari 2023, januaari aamma februaari 2024).
- Pingasoriarluni KNR-kkoortumik radiokkut paasisitsiniaanermik suliaqartoqarpoq, pinermi ataatsimi sapaatip akunnikkaartumik sivisussusilimmik.
- Suliassaqarfimmi sulialinnut (nakorsanut, ernisussiortunut, peqqissaasunut, ilinniartitsisunut il.il.) siunnerfilimmik allagarsiisoqarpoq, suliaq pillugu ilisimasaqarunik ilisimannittutut oqaluttuarnissaannik kaammattuutaasumik. Allagarsiussaq suliatigut peqatigiiffinnut aamma suliaqaqatigiit atuagassiaannut assigiinngitsunut 14-inut nassiunneqarpoq, taakkunannaq qulingiluat akissuteqarlutik, aamma tallimat ilaasortaminnut atuagassiamut aamma/imaluunniit nittartagartik atorlugu saqqummiussinissartik toqqarsimallugu.

Ilisimannittutut oqaluttuanik tunniussinissamik periarfissat

Ilisimannittutut oqaluttuarineqartut, oqarasuaatikkut

- Oqarasuaatit marluk sianerfigineqarsinnaasut pilersinneqarput, ilisimatusartoqatigiinnut nalunaarutinik, kalaallisut imaluunniit danskisut, nammineerluni akisartumut immiussinissamik periarfissaqarfiusut. Oqarasuaatit taakku 2023-mi 1. oktoberimiit 2024-mi 1. oktoberip tungaanut ammatinneqarput. Kalaallit Nunaanni sianerfigineqarsinnaasoq akeqanngitsumik sianerfigineqarsinnaavoq, Danmarkimi sianerfigineqarsinnaasoq akigititat nalinginnaasut atorlugit akeqarluni.

Ilisimannittutut oqaluttuarineqartut, naapinnikkut

- Illoqarfinni toqqarneqartuni ilisimatusartoqatigiinni suleqataasut ilaannik naapitsinikkut ilisimannittutut oqaluttuarnissaq periarfissaanikuuvooq. Danmarkimi illoqarfiiit tallimat, aamma Kalaallit Nunaanni illoqarfiiit arfinillit tikippavut. Nunani taakkunani marlunni sumiiffiit tamaasa orninnissaannut periarfissaqarsimanngilagut. Illoqarfiiit toqqarneqartut inuttussusiat, kiisalu illoqarfinni assiginngitsuni arnanit oqarasuaatikkut saaffiginnissutit tunngavigalugit toqqaasoqarpoq.
- Kalaallit Nunaanni Maniitsoq, Sisimiut, Ilulissat, Aasiaat, Paamiut tikippavut, kiisalu oqaluttuarineqartunik ingerlaavartumik Nuummi tigooraalluta. Danmarkimi Esbjerg, Aalborg, Århus, Odense aamma København tikippavut.
- Kalaallit Nunaanni illoqarfinnik suli tikitassaqarpugut. Qaqortoq Narsarlu 2024-mi agustimi, kiisalu Tasiilaq amma Qaanaaq 2024-mi septembarimi/oktoberimilu tikissallugit pilersaaruteqarfigaavut.

 = Sumiiffiit ilisimatusartoqatigiinnit

ulloq manna tikillugu tикинneqarsimasut.

 = Sumiiffiit ilisimatusartoqatigiinnit

tikissallugit amigaatigineqartut.

 = Ilisimatusartoqatigiit

ulliuinnarni sumi inissisimasuunersut.



- Tikiffissat qulaajaasut nittartagaatigut <https://www.uni.gl/ilisimatuut-misisuinerit/qulaajaaneq/> aamma Facebookimi qupperneratigut <https://www.facebook.com/qulaajaaneq/>, kiisalu illoqarfiit Facebookimi opslagstavliisigut saqqummiunneqartarpuit.
- Kalaallit Nunaanni illoqarfinni tikiffigisatsinni oqaluttuarineqartunik tigooraaneq maannamut ataatsimiittarfinni, kiisalu pisuni ataasiakkaani arnat namminneq angerlarsimaffiinut ornigunnikkut pisarput. Tamanna aamma 2024-mi tikiffissat sinnerini periuserineqassaaq.
- Århusip, Vejle-p, Odense-p, Aalborgip aamma Københavnip tикинneqarnerini Kalaallit Illuutaat suleqatigineqarput, taakku attaveqarfigineqarsinnaasunut paassisutissat ilaatigut nittartakkatigut inuit attaveqaqatigiittarfii aqqutigalugit ingerlateqqinnejnarnerinut ikiuullutik, kiisalu ilisimatusartoqatigiit atorsinnaasaannik ininik atugassaqartitsillutik.

Ilisimannittutut oqaluttuarineqartut, allakkatigut

- Qulaajaanerup aallartinneqannginnerani arnanit oqaluttuarineqartunik allakkatigut tigooraanissaq Nunatsinni Nakorsaaneqarfimmit Sullissivik aqqutigalugu ammaanneqarpoq. Taakku uagutsinnut tunniunneqarnissaat qulaajaanerup aallartinneqarnerani siunertarineqarnikuovoq. Maanna oqaluttuarineqartut 140-t taakku tigunikuuagut, taakku tunniunneqarnissaannik arnat akuersissuteqarlutik.
- Ilisimatusartoqatigiit 30.10.2023 aallarnerfigalugu Sullissivimmi elektroniskiusumik namminneq immersugassaateqalernikuupput, innuttaasut oqaluttuaminnek elektroniskiusumik tassuuna tunniussisinnaallutik.

Ilisimannittutut oqaluttuarnermut atatillugu piareersimasoqarneq

Arnanut, oqaluttuarnerminnut atatillugu tapersorsorneqarnissaminnik pisariaqartitsisunut, ikiuinissamik neqoruteqarnissaq danskit naalagaaffiata aamma Naalakkersuisut akisussaaffigivaat. Periarfissat atuuttut taakku pillugit ilisimatitsivugut. Kalaallit Nunaanni Isumaginninnermut Aqutsisoqarfiup neqeroorutaa Tusaannga (+299801180) ilisimatitsissutigivarput, aamma Danmarkimi tarnip pissusiinik ilisimasalimmik Falckimeersumik (+4570102012) marloriarluni akeqanngitsumik oqaloqateqarsinnaanermik periarfissamut innersuussilluta.

Oqaatsitigut aamma allakkatigut oqaluttuarineqartunik suliarinninneq

Oqaatsitigut oqaluttuarineqartut tamarmik immiussisummut immiunneqarput. Immiussat tamatuma kingorna PC-imut nuunneqarltillu Nextcloud-imut toqqorneqartarput, taanna tassaalluni paassisutissanik isumannaatsumik aamma isertuussiffiusumik toqqorterivik.

Ilisimannittutut oqaluttuarineqartup oqaatsitigut oqaluttuarineqareernerata kinguninngua excelark-imut nalunaarsorneqartarpoq. Ilisimannittutut allakkatigut oqaluttuarineqartut tassunga aamma nalunaarsorneqarput.

Misissueqqissaarnissamik suliaqarnissap pilersaarusiorneqarnera maanna aallartinneqarpoq. Atortussat annertussusiat pissutigalugu misissueqqissaarnermik sulinitssinni ilaatigut oqaluttuarineqartunik tamakkiisumik allaganngortinneqartunik, eqikkaalluni allaganngortinneqartunik aamma immiussanik ataqtigiiissitsilluta suliaqassaagut.


Oqaluttuarineqartut tamarmik tamatuma kingorna itisiliilluni misissueqqissaarnermut atortoq, software NVivo (v. 12), atorlugu misissoqqissaarneqassapput. NVivo ikorsiullugu immikkoortiterineq ineriaartortinneqassaaq, taannalu koderinermik suliaqarnermi aallaaviussaaq.

Pisimasoq pillugu allagaatit aamma inatsisit

Qulaajaanerup pisimasuusimasumut tunngasortaa najoqutanik assiginngissitaartunik tunngaveqarpoq. Taakku pingaarnertut pappialiaapput. Allagaatigineqartut amerlanerpaartaat Nunatta Allagaateqarfianiillutillu Rigsarkivimiippuit, arlalippassuilli allaniillutik.

Ilisimatusartoqatigiit qulaajaanerup aallartinnerani illi allagaatinik toqqortaatinik (oqartussat, peqatigiiffiit il.il.) assiginngitsunik 50-it sinnilinnik suliaqarsimapput. Maannamut poortukkatt 800-it missaanniittut, allagaatinik toqqortaatinut 35-nut agguataarsimasut, misissorneqareerput. Maannamut atortussat toqqarneqartut 1/3-iisa missaanniittut misissornissaat suli amigaatigineqartoq missiliuupparput. Tamanna qulaajaanerup aallartinneqarnerani naatsorsuutigisanit annertuneruvoq. Tamanna suliassap nassuiarneqarnerani ajornartorsiutinik taaneqartunik siusinnerusukkut sukumiisumik misissusoqarnikuunnginneranut atatillugu isigineqassaaq. Taamaattumik allagaatit sorpiaat atorneqassanersut ilisimaneqarnikuunngilaq, tamatumalu saniatigut oqaluttuarineqartunik suliaqarneq paassisutissanik nutaanik misissorneqartariaqartunik aqqutissiuussiffiuvooq. Ilisimatusarluni suliani, allagaatinik tunngavilinni, ilisimatusartutut allagaatit annertussusiat, qanoq issusiat aamma qanoq aaqqissuussaanerat apeqquataasarput. Tamanna allagaatit misissorlugit aallartinnginnerini ilisimareerneqakkajunneq ajorpoq.

Allagaatinik misissuinermi oqartussat attuumassutilit qitiusumi inisisimasut aallaavigineqarput, Danmarkimut tunngatillugu Kalaallit Nunaat pingaarnertut akisussaaffeqarfiilluni, imaluunniit taakku akisussaaffeqarfiisa ilaanniilluni. Nalinginnaasumik oqartussat allagaatinik annertuunik, allagaatit pillugit allaaserisani piusuni itinerusumik nassuiarneqarsimanngitsunik, pigisallit pineqarput. Taamaattumik allagaatinik misissuineq oqartussat qanoq aaqqissuussaanerannik, allagaatit suut toqqortaatigineqarnerannik, kiisalu qanoq aaqqissuussaanerannik sukumiisumik paasinianermik aallartipparput. Kalaallit danskillu oqartussaasuisa allagaatinik toqqortaasiviinut ataatsimoorutaasoq tassaavoq, amerlasutigut oqartussat ingerlatsiviinut allanut, imaluunniit Kalaallit Nunaata aamma Danmarkip iluini peqatigiiffinnut nammineq ingerlasunut il.il, aammali nunat taakku marluk akornanni innersuussisoqartarmat (tak. takussutissiaq 1).



Takussutissiaq 1. Kalaallit Nunaanni aamma Danmarkimi pisortanit aamma inunnit ataasiakkaanit allagaatigineqartut akornanni allamiit allamut najoqqutarineqartunut nalunaarsuut.

Oqartussanut, peqatigiiffinnut il.il. allanut aqqutit taakku sapingisamik malinniarsimavagut, suliad sapinngisamik pitsaanerpaamik aamma isiginninnernit assiginngitsunit qulaajarnissaat anguniarlugu. Tamatuma kingunerivaa, misissuinermi allagaatit pisortat ingerlatsiviinit aamma inunnit ataasiakkaanit allagaatigineqartut ilaatinneqarmata.

Allagaatinik ujarlerluni sulineq Nunatta Allagaateqarfianik aamma Rigsarkivimik qanumut suleqateqarnikkut ingerlanneqarpoq.

Oqartussanit aamma inunnit ataasiakkaanit allaagaatigineqartunit najoqqutarisassanik ilanngussinerup saniatigut inatsisitigut, allaffissornikkut aamma peqqinnissakkut suliassaqarfiup iluani tunngaviit misissorneqassapput. Siusinnerusukkut inatsisit tamarluinnangajammik oqartussaassulimmik najoqqutassaalluartumillu allagaapput, tassunga ilanngullugit inatsisit, kunngip peqqissutaatigut atuutilersinneqartut, nalunaarutit, kaajallaasitat aamma eqqartuussutit. Siusinnerusukkut inatsisit piffissap annerpaartaanut tunngasut ujarneqarsinnaasunngorlugit digitalinngortinnejarsimannngillat, aamma inatsisinik aamma oqartussanik, suliassaqarfinnik attuumassutilinnik suliassaqarfeqarsimasut nassaarinissaat ilaatigut Kalaallit Nunaanni inatsisit nalunaarsorsimaffiat Nalunaarutit piffissami 1951-imuit 1991-imut aamma Folketingip ukiumoortumik nalunaarutaanik misissuinikkut ingerlanneqarpoq.

Taakku aqutigalugit inatsisit attuumassutilit Nalunaarutit A-ni, inatsisisatut siunnersuutit inatsisisamut oqaaseqaatitallit Folketingstidende-mi aamma Lovtidende-mi nassaarineqarput. Piffissami 1953-58-imi inatsisit Kalaallit Nunaannut pingaarutilittut naatsorsuutigineqartut Kalaallit Nunaanni saqqummersinneqartunut ilanngunneqanngillat, taamaattumillu aamma Kalaallit Nuunaanni inatsisinut ujarliutinut ilanngunneqarsimanatik. Pisuni taamaattuni paassisutissanik Lovtidende-mi ujarlertoqartarpooq. Allaffissornikkut najoqqtassat attuumassutilit, Nalunaarutit B-ni nassaarineqarsinnaasimannngitsut, allagaatinik toqqortaasivinni ujarneqarput, tassunga ilanngullugit Nunatsinni Nakorsaaneqarfip allagaatinik toqqortaasiviani, Polarbibliotekimi, Naalagaaffiup Sinnisoqarfiani aamma Rigsarkivimi. Inatsisit attuumassutilit pisoqaanerusut, piffissami misissuiffiusumi suli atuuttut Polarbibliotekimi, Københavns Universitetimi aamma Naalagaaffiup Sinnisoqarfiani Kalaallit Nunaat pillugu Nalunaarutit/Kundgørelser-ini aamma Nalunaarusiat/Beretninger-ini ujarneqarput.

Danskit inatsisaat, taakkununnga piareersaatit aamma allaffissornikkut malittarisassat, tassunga ilanngullit Kalaallit Nunaanni atuuttussanngorlugit aalajangersakkat Folketingip ukiumoortumik nalunaarusiaasigut databesen aamma nalunaarsuiffinni attuumassutilinni Folketingstidende-mi, Lovtidende-mi aamma Ministerialtidende-mi saqqummiussanik ujarlerluni misissuinikkut nassaarineqarput. Folketingip Bibliotekiani allagaatinik misissuineq aamma ingerlanneqarpoq. Kalaallit danskillu inatsisitigut sulinerat ilanngunniarneqarput. Danmarkimut tunngatillugu landsrettimi eqqartuussutit toqqarneqartut aamma Højesterettimi eqqartuussutit tamarmik Ugeskrift for Retsvæsenimi naqinnejqarsimapput, byrettini eqqartuussissutit naleqquttut allagaatini nassaarineqarsinnaappata ilanngunneqarsinnaallutik. Kalaallit Nunaannut tunngatillugu eqqartuussutit pissarsiarineqarsinnaanerat ajornakusooput. Eqqartuussutit naleqquttut allagaatini, atuagassiani il.il. aqutigalugit nassaarisinnaasatta pissarsiarinissaannut kinaassutsimik ersersitsiffiunngitsumik Nunatta Eqqartuussisuuneqarfia ikiuppoq. Europami inuttut pisinnaatitaaffiit pilligit eqqartuussivimmieqqartuussutit naleqquttut allaaserisani saqqummiunneqarsimasuni aamma/imaluunniit HUDOC databasemi ujarneqarput.

Pisimasoq pillugu allagaatit aamma inatsisinik suliarinninneq

Atortussat pissarsiarineqarneri malillugit misissorneqarput. Atortussat tamangajammik pappialaammata misissuineq allagaatinik toqqortaasivinni karsiniittunik misissuinertut ingerlanneqarpoq. Piffissami aggersumi – allagaatinik toqqortanik misissuinermerk suliaqarnitta nangeqqinnissaata saniatigut – atortussanik katersorneqarsimasunik misissueqqissaarnermerk sulinerput aallutissavarput. Misissueqqissaarluni sulineq suliassap nassuarneqarnera naapertorlugu ingerlanneqassaaq. Taamaattumik oqaluttuarisaanermi allagaatinik suliaqarnermi oqaluttuarisaanermut tunngasortaata, aalajangiinerup ingerlasimanerata kiisalu suliap ingerlanneqarsimanertaviata qulaajarneqarnissaat qitiupput. Inatsinut tunngasutigut

misissueqqissaarnermi inatsisitigut, allaffissornikkut aamma peqqinnissakkut sullissinermi tunngaviit qulaajarneqarnissaat qitiutinneqarput. Selineq taanna atortussat katersorneqartut tunngavigalugit ilisimatusartoqatigiit iluminni qanumut oqaloqatigiillutillu siunersiueqatigiittarnerisigut ingerlanneqarpoq.

Massakkut unammilligassat

Qulaajaaneq massakkut ataatsimik unammilligassaqarfiuvoq, erseqqissumik paasisaqartoqarnissaata tungaanut suliap ilaata unitsikkallarneqarneranik kinguneqartumik:

Unammilligassaq atortussanik attuumassutilinnik Kalaallit Nunaanni peqqinnissaqarfimmi takunnissinnaanermut tunngassuteqarpoq. Piffissami 1960-imiit 1991-ip tungaanut spiralilersuisimanermi aamma naartunaveersaatinut allanut tunngatillugu suleriaaserineqarsimasumi Kalaallit Nunaanni peqqinnissaqarfiup qanoq atuutsitsillunilu suliaqarsimanerata qulaajarneqarnissaat siunertaralugu ilisimatusartoqatigiit atortussanik, Kalaallit Nunaanni peqqinnissaqarfimmeersunik, atuisinnaanissamik 2023-mi septembarimi aamma 2024-mi februaarimi qinnuteqarlutillu akuersisummik pissarsipput. Kalaallit Nunaata aamma Danmarkip ataatsimoorlutik apeqquaasa, suliassamut nassuaammi saqqummiunneqartut, akineqarsinnaanissaannut atortussat ilisimatusartoqatigiinnut pingaaruteqarput. Atortussat takuneqarsinnaanerinut piumasaqaatit aamma periarfissat pillugit nalornissuteqartoqalermat akuersissutit Kalaallit Nunaanni peqqinnissaqarfimmi quillersanit ulloq 20. maaji 2024 utertinneqarput. Taamaattumik atortussanik peqqinnissaqarfimmeersunik takunnissinnaanissamut tunngatillugu ilisimatusartoqatigiit ukioq manna ulloq 6. juuni qinnuteqaammik nutartikkamik nassitseqqipput. Qinnuteqaammut itigartitsissummik ilisimatusartoqatigiit ulloq 12. juuni 2024 tigusaqarput. Atortussat qanoq takuneqarsinnaanissaat pillugit oqaloqatigiinnerit aallartinneqarput.

Tamanna ima isumaqarpoq, ilisimatusartoqatigiit, ilimaginngisamik, massakkuugallartoq atortussanik Kalaallit Nunaanni peqqinnissaqarfimmeersunik takunnissinnaanngitsut, suliap ingerlaavartumik ingerlanneqarsimanerata aamma naleqqussarneqarneqarsimanerata, kiisalu oqartussanit, suliffeqarfinit aamma oqartussani atorfilinit akuusimasunit eqqarsaatersuutaasimasut, aalajangiunneqarsimasut aamma iliuuserineqarsimasut, kiisalu suliap Kalaallit Nunaanni ingerlanneqarsimanerpiaata misissornissaannut pingaarutilimmik. Ilisimatusartoqatigiit taamaalillutik aamma suliap piffissap ingerlanerani Kalaallit Nunaanni, aamma Kalaallit Nunaanni nunap immikkoortuini peqqinnissaqarfinni, aamma ukioqatigiaat assiginngitsut akornanni qanoq ililluni atuutilersinneqarsimanerpiaa qulaajarsinnaanngilaat.

Taamaalilluni ajornartorsiummut iluarsiissutissamik nassaartoqartinnagu qulaajaanermi suliassamut nassuaammi suliakkiutigineqartumik eqqortitsisoqarsinnaanngilaq.

Ilisimatusartoqatigiit taama pisoqarnera, aamma suliap ingerlateqqinnissaanut nalorninartoqalersitsinera soorunami ajuusaarutigisorujussuuat.

Suliassap annertussusia naatsorsuutigineqartumit annertunerunerujussuunissaa pillugu ilisimatusartoqatigiit atorfilittanut 2023-mi decembarimi nalunaaruteqarput. Ilaatigut ilisimannittutut oqaluttuarineqartut, ilisimatusartoqatigiinnit tiguneqartut, amerlassusissaattut naatsorsuutigineqartunit amerlanerusut paasineqarpoq. Ilaatigut allagaatit naatsorsuutigineqartumit amerlanerujussuit misissorneqartariaqarsimapput, oqartussat, suliffeqarfiit il.il. arlallit suleriaaserineqarsimasumut akuusimanerat pissutigalugu. Tamatuma saniatigut suleqatigiinni allannguuteqartoqarpoq, aamma allaffissornikkut suliassat naatsorsuutigingisamik annertoorujussuullutik, ataatsimut isigalugu nalunaarusiamik, suliassamut nassuaammik eqqortitsisumik, naammaginartumik tunniussinissaq angusinnaajumallugu aningaasaliissuteqaqqinnissamik pisariaqartitsinermik kinguneqarluni. Ilisimatusartoqatigiit aningaasaliissuteqartoqaqqinnissaanik qinnuteqaammik ulloq 13. februaari 2024 nassiussaqarput. Ilisimatusartoqatigiit danskit sundhedsministeriaqarfianit aningaasaliissutigeqqinnejartunik 30. juuni 1,7 milliuuni koruuninik tigusaqarput. Ilisimatusartoqatigiit atortussanik, qulaajaanermik naammaginartumik tunniussinissamut attuumassutilinnik, piffissap taassuma akornani katersuinissartik salliutissimavaat.

Ataatsimut isigalugu unammilligassanik taaneqartunik suliaqarneruneq pissutigalugu qulaajaanerup naammassineqarnissaa qaammatit pingasut missaannik kinguaattoornissaa naatsorsuutigineqartariaqarpoq, tassa 1. Septembari 2025-mi tunniunneqartussangorlugu. Tunniussinissamulli ulluliunneqartumut tunngatillugu atortussanik Kalaallit Nunaanni peqqinnissaqarfimmut pissarsiniarnerup unammilligassaqarfiuneranut aaqqiissuteqarnissaq apeqquataassaaq.

Najoqputat

Bertelsen, N. S., & Greve Møller, A. S. (2023, juuni 7-an) Spiralilersuisimaneq: Arnat oqaluttuaat ilisimatusaatinut ilanngutissasut. KNR. Ulloq 20.05.2024 ugguna aaneqarpoq
<https://knr.gl/kl/nutaarsiassat/arnat-oqaluttuaat-ilisimatusaatinut-ilanngutissasut>.

DR (2022, maji 6-an). Spiralkampagnen. Ulloq 20.05.2024 Ugguna aaneqarpoq
<https://www.dr.dk/lyd/p1/spiralkampagnen-3510654808000>.

Universitetet i Grønland. (u.). Qulaajaaneq. Ugguna aaneqarpoq
<https://knr.gl/kl/nutaarsiassat/arnat-oqaluttuaat-ilisimatusaatinut-ilanngutissasut>

Krebs, M. (2021, juuni 30-an). Naalagaaffiup niviarsiuera innarlerpaa. Sermitsiaq.AG. Ulloq 20.05.2024 ugguna aaneqarpoq <https://kl.sermitsiaq.ag/inuiagatigiit/naalagaaffiup-niviarsiuera-innarlerpaa/940186>.

Kristensen, K. (2022, maji 15-an). Naalakkersuisut spiralilersuisimaneq akuersaanngilluinnarpaat. Sermitsiaq.AG. Ulloq 20.05.2024 ugguna aaneqarpoq
<https://www.sermitsiaq.ag/samfund/naalakkersuisut-tager-afstand-fra-spiralkampagnen/417365>.

Kristensen, K. (2023, septemberi 5-an). Spiralilersuisimaneq pillugu suliaq: Ilisimatusartut Nuummi sisamanngornermi innuttaasunik ataatsimiititsinermut aggersaapput. Sermitsiaq.AG. Ulloq 20.05.2024 ugguna aaneqarpoq <https://kl.sermitsiaq.ag/inuiagatigiit/spiralilersuisimaneq-pillugu-suliaq-ilisimatusartut-nuummi-sisamanngornermi-innuttaasunik-ataatsimiititsinermut-agersaapput/873750>

Løhde, S., & Karlsen, M. (2023, maji, 30-an). Danmark og Grønland sætter uvildig udredning af spiralsagen i gang. Regeringen.dk. Ulloq 20.05.2024 ugguna aaneqarpoq
<https://www.regeringen.dk/nyheder/2023/danmark-og-groenland-sætter-uvildig-udredning-af-spiralsagen-i-gang/>

Naalakkersuisut. (maji 30a-ni, 2023). Qulaajaaneq. Ulloq 20.05.2024 ugguna aaneqarpoq
https://naalakkersuisut.gl/Nyheder/2023/05/3005_udredning?sc_lang=kl-GL.

Qulaajaaneq. (n.d.). Facebook. Uggunna aaneqarpoq: <https://www.facebook.com/qulaajaaneq/>

